

**JU SREDNJA ELEKTROTEHNIČKA ŠKOLA SARAJEVO**

ul. Safeta Zajke br. 2

# **P R A V I L N I K**

o vlastitim javnim prihodima

**Sarajevo, juni 2023. godine**

Na osnovu člana 143. stav (2) tačka d), a u vezi sa članom 171. Zakona o srednjem obrazovanju ("Službene novine Kantona Sarajevo" broj: 23/17, 30/19 i 33/21), člana 150. Pravila Javne ustanove „Srednja elektrotehnička škola“ Sarajevo, a u vezi člana 9. Pravilnika o vrstama vlastitih javnih prihoda u Federaciji Bosne i Hercegovine (Službene novine Federacije BiH“ broj: 104/22), u skladu sa Smjernicama u vezi donošenja akta o vlastitim javnim prihodima Ministarstva za odgoj i obrazovanje Kantona Sarajevo broj: 11-07/01-11-1134-1/23 od 25.04.2023. godine kao i Smjernica u vezi donošenja akta o vlastitim javnim prihodima-izmjene broj: 11-07/01-11-1134-2/23 od 11.05.2023. godine, Školski odbor Javne ustanove „Srednja elektrotehnička škola“ Sarajevo, na sjednici održanoj **06.06. 2023.** godine, donosi

## **P R A V I L N I K** o vlastitim javnim prihodima

### **I-OPĆE ODREDBE**

#### **Član 1.** **(Predmet Pravilnika)**

(1) Pravilnikom o vlastitim javnim prihodima Javne ustanove „Srednja elektrotehnička škola“ Sarajevo (u daljem tekstu: Pravilnik), utvrđuju se vrste, način i rokovi raspodjele vlastitih prihoda, pravni osnov ostvarivanja, te namjenu i način trošenja vlastitih javnih prihoda „JU Srednja elektrotehnička škola Sarajevo ( u daljem tekstu: škola“).

(2) Pravilnik o vlastitim javnim prihodima JU "Srednja elektrotehnička škola Sarajevo" (u daljem tekstu: Pravilnik) se donosi u skladu sa članom 9. Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije BiH", broj 104/22) i Smjernica Ministarstva za odgoj i obrazovanje KS u vezi donošenja akta o vlastitim javnim prihodima, broj: 11-07/01-11-1134-1/23 od 25.04.2023. godine i izmjena Smjernica broj: 11-07/01-11-1134-2/23 od 11.05.2023. godine

#### **Član 2.** **(Pojam vlastitih prihoda)**

(1) Vlastiti prihodi škole su javni prihodi Budžeta Kantona Sarajevo (u daljem tekstu: Budžet), a raspoređuju se u skladu sa Smjernicama Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima pravilnika broj:11-07/01-11-1134-1/23 od 25.04.2023. godine i Smjernica u vezi donošenja akta o vlastitim javnim prihodima-izmjena broj: broj: 11-07/01-11-1134-2/23 od 11.05.2023. godine.

(2) U skladu sa ovim Pravilnikom podrazumjevaju se prihodi koje ova škola ostvari obavljanjem osnovne djelatnosti i ostalih poslova na tržištu.

(3) Pod vlastitim prihodima Škole se podrazumijevaju svi ostvareni javni prihodi koji ispunjavaju kriterij za utvrđivanje javnih prihoda definisan članom 4. Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije BiH", broj 104/22).

#### **Član 3.** **(Način uplate vlastitih javnih prihoda)**

(1) Vlastiti javni prihodi uplaćuju se na depozitni račun javnih prihoda u skladu sa propisom kojim se uređuje način uplate javnih prihoda budžeta i vanbudžetskih fondova na teritoriji Federacije BiH.

(2) Škola je odgovorna za blagovremenu naplatu potraživanja po osnovu vlastitih javnih prihoda, kao i poduzimanje svih mjera za njihovu realizaciju.

(3) Naplaćena sredstva na ime vlastitih javnih prihoda koja su ostvarena gotovinskim plaćanjem i za koje ne postoji mogućnost bezgotovinskog plaćanja evidentiraju se i plaćaju na depozitni račun najkasnije sljedeći radni dan po prijemu uplate.

(4) Zabranjeno je evidentiranje i plaćanje vlastitih javnih prihoda na bilo koji način koji je u suprotnosti sa odredbama Pravilnika o vrstama vlastitih javnih prihoda u Federaciji Bosne i Hercegovine („Službene novine BiH“ broj: 104/22).

#### **Član 4. (Pravni osnov)**

Pravni osnov za ostvarivanje vlastitih javnih prihoda Škole je:

- a) Zakon o srednjem obrazovanju
- b) Pedagoški standardi i opći normativi za srednje obrazovanje.

## **II-VRSTE VLASTITIH PRIHODA**

#### **Član 5 . (Sticanje vlastitih prihoda)**

Škola stiče vlastite prihode po osnovu:

- a) Realizacije obrazovanja vanrednih kandidata/učenika,
- b) Izdavanje izvoda iz nastavnog plana i programa,
- c) Izdavanja opreme i prostora u zakup,
- d) prodaja otpadnog materijala,
- e) prodaja proizvoda i usluga koje izrađuju učenici u toku laboratorijskog rada,
- f) reklamno-propagandnih usluga,
- g) realizacije pedagoško-metodičke prakse studenata (hospitovanje),
- h) ustupanja tenderske dokumentacije u postupku javnih nabavki,
- i) kopiranja i uvezivanja pisanog materijala

#### **Član 6. (Naknada za realizaciju usluga)**

(1) Naknada za realizaciju usluga **realizacije obrazovanja vanrednih kandidata/učenika/ sticanje srednjeg obrazovanja**

a) upisnina za školsku godinu.....	55 KM
b) instruktivna nastava za grupu od 10 i više kandidata (po času) .....	5 KM
c) instruktivna nastava za grupu do 10 kandidata (po času).....	10 KM
d) ispit bez pismenog dijela.....	33 KM
e) ispit sa pismenim dijelom.....	45 KM
f) ispit iz laboratorijskog rada.....	45 KM
g) maturski/završni ispit sa praktičnim dijelom.....	80 KM
h) troškovi laboratorijskog rada .....	33 KM

(2) Naknada za realizaciju usluga za **izdavanje izvoda iz nastavnog plana i programa** podnosilac zahtjeva uplaćuje novčani iznos od.....66 KM

(3) Naknada za realizaciju usluga za **izdavanje opreme i prostora u zakup** utvrđuje se kako slijedi:  
- izdavanje opreme i prostora u zakup kao i visina naknade za zakupninu, utvrđuje Školski odbor, a u skladu sa zakonom i podzakonskim aktima kojima se reguliše izdavanje poslovnih zgrada i prostorija.

(4) Visina naknade za realizaciju ostalih usluga koje realizuje Škola, navedenih u članu 5. u tačkama d), e), f), g) h) i i) ovog Pravilnika istu utvrđuje Školski odbor.

### III-NAČIN I ROKOVI RASPODJELE

#### Član 7. (Način i rokovi raspodjele)

- (1) Škola je dužna, na osnovu planiranih vlastitih prihoda, planirati i rashode koje će pokriti iz prihoda ostvarenih po osnovi ovog Pravilnika.
- (2) Vlastite prihode iz člana 4. ovog Pravilnika škola će koristiti za pokriće izdataka nastalih obavljanjem tih poslova, a ostatak za tekuće i kapitalne izdatke.
- (3) Vlastiti prihodi škole mogu se koristiti samo u toku fiskalne godine, a neutrošeni dio vlastitih prihoda postaje javni prihod Budžeta.

#### Član 8. (Pripadnost vlastitih prihoda)

Vlastiti prihodi ostvareni shodno odredbama ovog Pravilnika pripadaju školi i uplaćuju se na:

Depozitni račun broj: 1411965320008475;

Budžetska organizacija 2103018;

Vrsta prihoda:

- **722656**-vlastiti prihodi iz člana 5. tačka a) i g)
- **722642**- vlastiti prihodi iz člana 5. tačka c)
- **722659**- vlastiti prihodi iz člana 5. tačka b), f), h) i i).
- **722657**-vlastiti prihodi iz člana 5. tačka d) i e).

a raspoređuju se shodno odredbama ovog Pravilnika.

Vlastiti prihodi sa vrstom prihoda 722631 će se primjenjivati do 31.12.2023. godine, a gore navedene vrste vlastitih prihoda će se primjenjivati od 01.01.2024. godine

#### Član 9. (Način raspodjele ostvarenih vlastitih javnih prihoda)

(1) Ostvareni vlastiti javni prihodi u cjelosti se raspoređuje školi kao budžetskom korisniku koji je prihod ostvario, i to kako slijedi:

(2) Prihodi po osnovu **upisnine za „obrazovanje vanrednih kandidata/učenika“** raspoređuju se na sljedeći način:

20% za izdatke za materijal, sitan inventar i usluge i tekuće transfere,

20% za nabavku stalnih sredstava.

60% za naknadu radnicima koji su sudjelovali u realizaciji poslova će se rasporediti kako slijedi:

- direktor 27%
- pomoćnik direktora 22%
- sekretar 13%
- saradnik za finansijske i računovodstvene poslove 13%
- emis odgovorna osoba 13%
- administrativni radnik 12%

(3) Prihodi po osnovu realizacije **instruktivne nastave** raspoređuju se na sljedeći način:

20% za izdatke za materijal, sitan inventar i usluge i tekuće transfere,

20% za nabavku stalnih sredstava,

60% za naknadu radnicima koji su sudjelovali u realizaciji poslova će se rasporediti kako slijedi:

- nastavniku koji izvodi instruktivnu nastavu 30%
- ostalim radnicima 30% kako slijedi:
  - direktor 30%
  - pomoćnik direktora 23%
  - sekretar 17%

- saradnik za finansijske i računovodstvene poslove 17%
- administrativni radnik 13%

**(4) Prihodi po osnovu realizacije ispita (bez pismenog dijela, sa pismenim dijelom, iz laboratorijskog rada), maturalnog/ završnog ispita sa praktičnim dijelom i troškova laboratorijskog rada raspoređuju se na sljedeći način:**

- ispitivaču 25%
- ostalim članovima ispitne komisije 25% (predsjedniku 15% i članu komisije po 10%)
- ostalim radnicima izvan nastave 10% i to:
  - direktor 27,5%
  - pomoćnik direktora 25%
  - sekretar 12,5%
  - saradnik za finansijske i računovodstvene poslove 12,5%
  - emis odgovorna osoba 12,5%
  - administrativni radnik 10%
- za izdatke za materijal, sitan inventar i usluge i tekuće transfere 20%
- za nabavku stalnih sredstava 20%.

**(5) Prihodi po osnovu realizacije izdavanja izvoda iz nastavnog plana i programa raspoređuju se na sljedeći način:**

40% za materijalne troškove, tekuće održavanje i nabavku opreme,  
30% za stručno usavršavanje, sportske i kulturne aktivnosti, takmičenja, nagrade učenicima i ostale namjene.  
30% za naknadu radnicima koji su sudjelovali u realizaciji poslova i to:

- direktor 17%
- pomoćnik direktora 25%
- sekretar 8%
- saradnik za finansijske i računovodstvene poslove 17%
- administrativni radnik 25%
- osoba za tehničku pripremu/uvezivanje 8%

**(6) Prihodi po osnovu realizacije prodaje otpadnog materijala i prodaje proizvoda i usluga koje izrađuju učenici u toku laboratorijskog rada raspoređuju se na sljedeći način:**

- 20% za materijalne troškove, tekuće održavanje i nabavku opreme i
- 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

**(7) Prihodi po osnovu izdavanja opreme i prostora u zakup, realizacije reklamno-propagandnih usluga, organizacije peagoško-metodičke prakse studenata (hospitovanje), ustupanja tenderske dokumentacije u postupku javnih nabavki kao i realizacije usluga kopiranja i uvezivanja pisanog materijala raspoređuju se na sljedeći način:**

- 70% za materijalne troškove, tekuće održavanje i nabavku opreme i
- 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

**(8) Procenti raspodjele navedeni u stavovima od 2. do 5. ovog člana odnose se na ukupna sredstva ostvarena po svakom osnovu u okviru ovih sredstava, raspodjela se odnosi na naknade u neto iznosu i pripadajuće poreze i doprinose (bruto iznos).**

#### **IV-PRAĆENJE NAPLATE I RASPOREĐIVANJE VLASTITIH PRIHODA**

##### **Član 10.**

**(Praćenje naplate i raspoređivanje vlastitih prihoda i dostavljanje izvještaja o sticanju i utrošku)**

- (1) Škola je u obavezi da redovno prati, putem izvještaja koje dobije od Ministarstva finansija, dospelost i naplatu vlastitih javnih prihoda.
- (2) Škola je odgovorna za potpuno i pravovremeno uplaćivanje vlastitih javnih prihoda na depozitni račun, putem računovodstvene službe Škole.

(3) Škola je dužna da ostvarene i naplaćene vlastite javne prihode rasporedi na rashode u finansijskim mjesečnim planovima izvršavanja Budžeta.

(4) Vlastiti javni prihodi moraju se utrošiti do kraja budžetske godine, a neutrošeni dio vlastitih javnih prihoda postaje javni prihod Budžeta naredne godine.

## V- KONTROLA UTROŠKA VLASTITIH PRIHODA

### Član 11. (Izveštaj o utrošku)

Škola, najmanje jedanput u šest mjeseci Ministarstvu za odgoj i obrazovanje dostavlja izvještaj o ostvarivanju i utrošku vlastitih javnih prihoda.

## VI-ZAVRŠNE ODREDBE

### Član 12. (Stupanje na snagu Pravilnika)

Ovaj Pravilnik stupa na snagu danom davanja saglasnosti od Vlade Kantona Sarajevo i objavit će se na oglasnoj ploči i web stranici škole.

### Član 13. (Prestanak važenja pravilnika)

Stupanjem na snagu ovog Pravilnika prestaje da važi Pravilnik o korištenju vlastitih prihoda Javne ustanove Srednje elektrotehničke škole Sarajevu broj: 01- 169/18- 2-1474/19 od 25.09.2019. godine .

Broj:817-2/23  
Sarajevo, 06.06.2023.godine

PREDSJEDNIK ŠKOLSKOG ODBORA  
  
Doc.dr. Asaf Sarajlić, dipl.el.ing.



Na Pravilnik o vlastitim javnim приходима JU Srednje elektrotehničke škole Sarajevo broj: 817-2/23 od 06.06.2023.godine, dostavljena je Saglasnost Vlade Kantona Sarajevo (Akt broj: 02-04-52343-5.3/23 od 15.12.2023. godine od Ministarstva za odgoj i obrazovanje Kantona Sarajevo (Akt broj: \_\_\_\_\_/\_\_\_\_\_ od \_\_\_\_/\_\_\_\_.20\_\_/\_g.).